



AALAJANGIINEQ

21.10.2010
Sagsnr. 2010-035603
Dok. Nr. 487847

”PAS nr. 060.45.52 – SANA-p eqqaani erngup aqputaa”

aamma

”PAS nr. 060.20.00 – sarfamut sakkortuumut kabelinik piiaaneq”

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

Suliami pisuiit

Nukissiorfiit 17. maj 2010-mi suliarinnittussarsiuussippat PAS nr. 060.45.52 – SANA-p eqqaani erngup aqputaa. *Entrepreneur A* suliarinnittussarsiuussinermut neqerooruteqarpoq. Suliarinnittussarsiuussinermut imaqarniliaq 17. maj 2010-mi tunniunneqarpoq suliarinnittussarsiuussinerrullu inernera pillugu *Entrepreneur A* 31. maj 2010-mi nalunaarfigineqarluni suliaasaq pissarsiarinngikkaa.

25. maj 2010-mi Nukissiorfiit aamma suliarinnittussarsiuusseqqippat PAS nr. 060.20.00 – sarfamut sakkortuumut kabelinik piiaaneq. *Entrepreneur A* suliarinnittussarsiuussinermut tassunga aamma neqerooruteqarpoq. Suliarinnittussarsiuussinermut imaqarniliaq 8. juni 2010-mi tunniunneqarpoq ullorlu taanna suliarinnittussarsiuussinerrullu inernera pillugu *Entrepreneur A* nalunaarfigineqarluni. suliaasaq pissarsiarinngikkaa. *Entrepreneur A*-p taamatuttaaq suliaasaq pissarsiarinngilaa.

Neqerooruteqartup *Entrepreneur A*-p 8. juni 2010-mi suliarinnittussarsiuussinerrit taakku marluk pillugit allakkatigut naammagittaalliuutini siulleq neqerooruteqartitsisumut Nukissiorfinnut tunniuppaa. Taanna allakkatigut naammagittaalliummik allamik neqerooruteqartitsisumut ulloq taanna malitseqartinneqarpoq.

Neqerooruteqartitsisarnermut Maalaaruteqartarfik 1. juli 2010-mi pilersinneqarpoq.

Naammagittaalliortoq, tassa neqerooruteqartuq sinnerlugu NUSUKA allakkani 5. juli 2010-meersuni Ineqarnermut, Attaveqarnermut Angallanermullu Naalakkersuisoqarfimmut (IAAN) allagaqarpoq naammagittaalliuutip 8. juni 2010-mi neqerooruteqartitsisumut nassiunneqartup misissorneqarnissaa piumasarlugu. Piomasagaammi allassimavoq naammagittaalliuut akineqarsimanngitsoq. Allakkami ilaatigut ima allassimavoq:

...

Ilaasortarput *Entrepreneur A* sinnerlugu Nusuka-mit ineqarnermut attaveqarnermullu naalakkersuisoqarfik qinnuigissavarput naammagittaalliuut *Entrepreneur A*-mit nassiunneqartuq misissoqqullugu. Isumaqa-rattami allakkat ilanngullugit nassiunneqartussat pillugit suliarinnittussarsiuussinermi nammeneq piumasagaatigisat minnerpaatut malinne-

qartussaasut, kiisalu suliarinnittussarsiuussineq suliassanik allanik immikkut suliarinnittussarsiuunneqarsimasunik ilaneqartussaangitsaq. Ilaasortatsinnit naammagittaalliuut eqqortuliorneruvoq taamaattumillu suliffeqarfik sinnerlugu allakkatigut nassuiaasoqarnissaa kissaatigaarput, tassani nassuiarneqassalluni soq Nukissiorfiit suliarinnittussarsiuussi-nermi allakkat ilanngunneqartussat pillugit piumasaqaatit malinnginneraat.

...

9. juli 2010-mi neqerooruteqartitsisoq IAAN-imut ilisimatitsivoq neqerooruteqartup naammagittaalliuutaanut 8. juni 2010-meersumut akissutissatut missingiuteqartoq 18. juni 2010-mik ullulernerqarsimasumik, taamaattorli nassiuunneqanngisaannarsimasoq. Tamatumunnga peqatigitillugu neqerooruteqartitsisoq nalunaarpoq akissut ulloq taanna neqerooruteqartumut nassiuunneqassasoq.

IAAN 16. juli 2010-mi akissummik NUSUKA-mut nassiuussivoq, tassani ilisimatitsissutigineqarluni ulloq taanna neqerooruteqartoq mailikkut innersuunneqarsimasoq Neqerooruteqartitsisarnermut Maalaaruteqartarfimmut, piffissami pisut akornanni pilersinneqarsimasumut naammagittaallioqullugu.

Nukissiorfiit suliarinnittussarsiuussinemat pillugu naammagittaalliuutip suliarineqarnissaa pillugu *Entrepreneur A* sinnerlugu NUSUKA 2. august 2010-mi Neqerooruteqartitsisarnermut Maalaaruteqartarfimmut piumasaqavippoq, tassani allakkatigut naammagittaalliuutit 8. juni 2010-meersut innersuussutigineqarlutik.

Naammagittaalliortoq piumasaqaativinnik allagaqarsimanngilaq. Naammagittaalliummili allassimavoq naammagittaalliortup maalaaruteqartarfik isummeqqugaa naammagittaalliuutigineqartup neqerooruteqartitsisarnermi malittarisassat unioqutissimanagerai.

Maalaaruteqartarfiup naammagittaalliuutigineqartoq akissuteqarnissamut periarfissaqartissimanngilaa, aalajangiinermi pineqartumi taamaallaat naammagittaalliuut neqerooruteqartitsisarneq pillugu inatsimmi § 29, imm. 4 naapertorlugu neqerooruteqartitsisarneq pillugu malittarisassani piffissaliussami atuuttumi tunniunneqarsimanersoq pineqarmat.

Maalaaruteqartarfimmit oqaaseqartoqarpoq:

Neqerooruteqartitsisarnerit pillugit naammagittaalliuutit suliarineqartarnissaannut Neqerooruteqartitsisarnermut Maalaaruteqartarfik Naalakkersuisunit 1. juli 2010-mi pilersinneqarpoq.

Neqerooruteqartitsisarneq pillugu inatsimmi § 29, imm. 4-mi allassimavoq maalaaruteqartarfimmut naammagittaalliuutinik tunniussinissamut killiliussaq tassaasoq neqerooruteqartitsinerup inernera pillugu nalunaaruteqarnermit sap.

ak. sisamat. Aalajangersagaliormi allassimangilaq naammagittaalliornissamut piffissaliussaq sivitsorneqarsinnaansoq, piffissamit kingusinnerusumit naatsorsorlugu, imaluunniit piffissaliussaq aatsaat maalaaruteqartarfiup pilersinneqarneranit naatsorsorneqassansoq. Taamaattumik piffissaliussap sivilissusia aallartiffialu sanioqqutassaangitsutut isigineqartariaqarpoq.

31. maj 2010-mi neqerooruteqartitsinerup PAS nr. 060.45.52 (SANA-p eqqaani erngup aqqutaa) aamma 8. juni 2010-mi PAS nr. 060.20.00 (sarfamut sakkortuumut kabelinik piiaaneq) inernerit pillugit naammagittaalliortup ilisimatineqarsimanera tunngavigineqartariaqarpoq.

PAS nr. 060.45.52-ip inernera 31. maj 2010-mi nalunaarutigineqarmat Neqerooruteqartitsisarnermut Maalaaruteqartarfiup pilersinneqarnissaa sioqqullugu neqerooruteqartitsineq pillugu naammagittaalliornissamut piffissaliussaasinnaasoq qaangiutereersimavoq taamaattumillu maalaaruteqartarfik neqerooruteqartitsineq taanna pillugu naammagittaalliummik suliarinnissinnaanani. Tamanna pissutigalugu naammagittaalliuutip tassunga tunngasortaa itigartinneqarpoq.

PAS nr. 060.20.00-imi neqerooruteqartitsineq pillugu naammagittaalliornissamut piffissaliussaq 6. juli 2010-mi qaangiuppoq. NUSUKA 5. juli 2010-mi Ineqarnermut, Attaveqarnermut Angallanermullu Naalackersuisoqarfimmut piumasaqaateqarpoq neqerooruteqartitsisumut – tassa Nukissiorfinnut siusinnerusukkut naammagittaalliuutigineqarsimasoq misissoqqullugu. Piumasaqaat neqerooruteqartitsisarneq pillugu inatsimmut imaluunniit Neqerooruteqartitsisarnermut Maalaaruteqartarfirmut innersuussutitaqangilaq taamatullu aamma piumasaqaat piumasaqaatitaqarani imaluunniit piumasaqaatip naalackersuisoqarfimmut nassiunneqarnera pillugu neqerooruteqartitsisumut ilisimatitsisoqarsimaneranik allaqqasoqarani.

Taamaattumik ataatsimut nalileereernikkut piumasaqaat 5. juli 2010-meersoq neqerooruteqartitsisarneq pillugu inatsimmik unioqqutitsineq pillugu Neqerooruteqartitsisarnermut Maalaaruteqartarfirmut naammagittaalliuutigineqarsimasutut isigineqarsinnaangilaq.

Matumani Maalaaruteqartarfiup tunngavigaa Neqerooruteqartitsisarnermut Maalaaruteqartarfiup PAS nr. 060.20.00-mi neqerooruteqartitsinermit neqerooruteqartitsisarneq pillugu malittarisassanik unioqqutitsisimaneq pillugu naammagittaalliuutivimmik aatsaat 2. august 2010-mi tigusaqarsimanera.

Entrepreneur A sinnerlugu NUSUKA-mit naammagittaalliuutigineqartoq neqerooruteqartitsisarneq pillugu inatsimmi § 29, imm. 4-mi piffissaliussap iluani tiguneqarsimangimmat naammagittaalliuutip tassunga tunngasortaa aamma itigartissutigineqarpoq.

Taamaammatt aalajangiisoqarpoq:

Maalaarut itigartinneqarpoq.

Thomas Trier Hansen

Atsionerup eqqortuunera uppersarsarneqarpoq.

Neqerooruteqartitsisarnermut Maalaaruteqartarfik, ulloq 21. oktober 2010.

Janus Køster

Neqerooruteqartitsisarnermut Maalaaruteqartarfiup allattaa